



Sulisartut ulluanni oqalugiaatissaq

Asasakka ataqqinartut sulisartut, illoqarfitsinnut pitsaalluinnartumik sullissisut, ilissiuvoq maani illoqarfimmi napatitsisut, tamannalu ataqqinaatigaarsi. Sulisartut ullorsiornissinni tamassi pilluangaaritsi.

Ullumikkunaasit tusagassagut pissanganarput, peqatigiiffeqarneq kattuffeqarnerlu nukittoqqutigaarput, tamannalu aamma tusanngittoorunnangilarput.

Ilumoorlunga oqarlanga, ullumikkut ulloq tikillugu suli sulisartuusugut akissaatitigut inorsinniarneqartuarpugut, massakkummi aamma taamannarluinnaq inissinniarneqaqqinnerput takussutissarsereerparput.

Illoqarfitsinni meeqqeriviit sulisussaaleqipput, tassami akissaatitigut malinnaatikkumaneqanngillat, tamassumalu kinguneraa sulisussaaleqineq. Perorsaasunngooq pisariaqartinneqarput, ila qaqugu paasisagassiuk perorsaasut kisimik meeqqerivinni sulisuunngitsut?!

Immikkoortinneqarner si peqatigiiffitsinniit nipangiunneqarnaviangilaq.



Nuummi Sulinermik Inuussutissarsiuqartut Peqatigiiffiat

Issortarfimmut 11, Box 137, 3900 Nuuk mobil 55 17 40 Email: nuuk@sik.gl

Inulerivinni sulisartut aamma eqqaarusuppatsigit, ilissinummi tunn-gasut qaqinneqarumangillat. Maani illoqarfitsinni utoqqaat angerlarsi-maffianni sulerulutsinneqarpusi, naak oqariartortoqartaraluartoq inat-sisit malinneqartut. Tamanna pillugu sorsoqatigissavatsigit, ataatsi-mooruttami nukittunerussaagut!

Illoqarfitsinni aamma annaassiniartartut atugaat eqqaanngitsooru-sunngilagut, tassami illoqarfitta innuttaasui amerliartuinnartillugit ma-linnaasinnaajunnaalermata, tassami ima ingasatsigaaq 20.000-nit ikin-nerunngitsunut piareersimasut ambulance-t pingasuinnaapput. Ikior-tissaaleqilerutta kikkut aggissappat? 1 time utaqqeqaassaagut, ta-mannalu kimut tutsinneqassava? Tamanna pillugu maani illoqarfitsinni annaassiniartartut atugaat peqatigiiffitsinniik maluginiannngitsuunngila-gut, tusaavagut iliuuseqaqatigiissaagut.

Aammattaaq nalunngilarput ukiuni arlaqalersuni ukiullu tulliini sulimaani illoqarfitsinni amerliartuinnassalluta, nunaqqatitsinnit nunattalu avataaneersunit ornigarneqarpugut, tikilluaqquagut pisariaqartip-



Nuummi Sulinermik Inuussutissarsiteqartut Peqatigiiffiat

Issortarfimmut 11, Box 137, 3900 Nuuk mobil 55 17 40 Email: nuuk@sik.gl

pagullu. Sulisartutulli suliffimmik paarsisinnaangitsutut nalilerniarne-
qarnerput tamatta annerisaqaarput aamma tamanna tunngavingalugu
tikisitsisariaqarneq qaqqinneqartarmat, amerlaqisullu suliffimmik paar-
silluartut eqqaaneqarneq ajorput.

Kattuffeqarnermi peqatigiiffeqarnermilu ataatsimoornermik takutitsi-
viusariaqarpoq, ataatsimooruttami nukittunerussagatta.

Asasakka ataqqinartut sulisartut, sulisartut ulluanni ullorsiorluarisi!